

Rhan Dau: Cynllun Mynediad a Ffioedd (yn ofynnol i'w gyhoeddi)

Cynllun Ffioedd a Mynediad	
Enw'r sefydliad	Prifysgol Bangor
Hyd y cynllun ffioedd a mynediad	1 Awst 2023 i 31 Gorffennaf 2024; ac 1 Awst 2024 - 31 Gorffennaf 2025
Adran 1 - Lefelau ffioedd	
Adran 1.1 - Lefelau ffioedd neu'r dull o gyfrifo lefel y ffi ym mhob lleoliad (Paragraffau 88-97 yn y canllaw)	
Lefel ffioedd	Lleoliad y cwrs
£9,000	Mae'r ffi hon yn berthnasol i 2023/24 a 2024/25
	Campysau'r brifysgol ym Mangor/Porthaethwy, a Wrecsam.
	Cymwysterau: Graddau Baglor a Meistr israddedig estynedig, a TAR.
£1,350	Mae'r ffi hon yn berthnasol i 2023/24 a 2024/25
	Campysau'r brifysgol ym Mangor/Porthaethwy, a Wrecsam.
	Cymwysterau: Graddau Baglor a Meistr israddedig estynedig - am y blynyddoedd rhyngosod a blynyddoedd dramor perthnasol.

Adran 1.2 - Cyfanswm lefelau ffi
(Paragraffau 98-102 yn y canllaw)

Mae Prifysgol Bangor yn cadarnhau, yn unol â'i Pholisi Ffioedd Dysgu (a gyhoeddir ar ei thudalennau gwe ochr yn ochr â'i Hatodlen Ffioedd a'i Chynllun Ffioedd a Mynediad), na fydd unrhyw godiadau mewn ffioedd i fyfyrwyr israddedig a TAR yn ystod cyfnod eu rhaglen lawn-amser. Yn amodol ar baragraff 8.2 o'r polisi, gweler isod, codir yr un swm ar bob myfyriwr am bob blwyddyn astudio.

Y paragraffau canlynol yw'r rhannau perthnasol o Bolisi Ffioedd Dysgu'r brifysgol:

3.3. Llywodraeth Cymru sy'n pennu'r cap statudol ar ffioedd ar gyfer rhaglenni israddedig a rhaglenni Tystysgrif Addysg i Raddedigion (TAR) i fyfyrwyr cartref. Mae'r brifysgol yn gosod ffioedd llawn-amser a rhan-amser i adlewyrchu'r cap ffioedd uchaf cymwys hwn, fel y mae wedi ei ddiffinio yn ei Chynllun Ffioedd a Mynediad blynyddol, y cytunwyd arno gyda Chyngor Cyllido Addysg Uwch Cymru (HEFCW). Gellir adolygu ffioedd, os caniateir hynny a lle bo angen, yn unol â'r capiau ffioedd statudol perthnasol; fodd bynnag, ni fydd y brifysgol yn codi'r ffi am unrhyw gredydau neu raglenni yn ystod blwyddyn academaidd, nac unwaith y bydd y ffioedd am flwyddyn academaidd wedi eu cyhoeddi.

8.2. Yn achos pob myfyriwr hyfforddedig, y drefn ffioedd (y polisi ffioedd perthnasol a'r atodlen ffioedd) sydd yn ei lle ar ddechrau'r flwyddyn academaidd gyntaf fydd yn parhau i fod yn weithredol trwy gydol eu rhaglen, oni bai:

- 1. bod newid yn y dull astudio (e.e. o lawn-amser i ran-amser), neu*
- 2. bod seibiant astudio o fwy na 2 flynedd, neu*
- 3. bod cytundeb wedi ei ddiffinio'n wahanol yn y llythyr cynnig,*

ac yn dilyn hynny byddai trefn ffioedd newydd yn gymwys. Nid oes unrhyw newid yn y drefn ffioedd os yw myfyriwr yn trosglwyddo o raglen anrhydedd i raglen nad yw'n anrhydedd, neu i'r gwrthwyneb.

Mae'r brifysgol yn ymrwymo i gadw at ganllawiau'r Awdurdod Cystadleuaeth a Marchnadoedd (CMA) ar gyfer addysg uwch.

Adran 2 - Partneriaeth Myfyrwyr (Paragraffau 103-106 yn y canllaw)

Mae gan Brifysgol Bangor hanes hir o weithio mewn partneriaeth â'r myfyrwyr fel corff a chydag Undeb y Myfyrwyr. Mae partneriaeth yn ddull gweithredu sy'n datblygu'n barhaus ac mae'n seiliedig ar barch rhwng y naill ochr a'r llall, cydweithio ac ymdeimlad o undod. Mae'r brifysgol yn mynd ati'n weithredol i annog myfyrwyr i gyfrannu at y gwaith o gynllunio a darparu addysgu, a dylanwadu ar newid strategol ar draws Prifysgol Bangor. Trwy weithio mewn partneriaeth, mae'n ymgynghori â myfyrwyr ac yn gwrandao arnynt wrth greu a chyflwyno ei gwaith, gan sicrhau y gallant arwain dyfodol y brifysgol mewn modd ystyrlon. Mae hyn yn amlwg yn y strategaethau sefydliadol sydd i gyd yn canolbwyntio ar y myfyrwyr trwy gydol eu datblygiad. Yn natblygiad ei strategaethau sefydliadol diweddaraf, mae'r brifysgol wedi ymrwmo i roi cyfleoedd pellach i fyfyrwyr weithio mewn partneriaeth â staff, yn lleol yn eu hysgolion ac fel rhan o gymuned ehangach y brifysgol ac Undeb y Myfyrwyr. Mae'r strategaethau hyn yn adeiladu ar y dull a ddatblygwyd trwy weithio mewn partneriaeth ac mae'n enghraifft arall o ymrwymiad i'r ethos o weithio mewn partneriaeth â myfyrwyr.

Mae cynrychiolaeth ddemocrataidd trwy Undeb Myfyrwyr annibynnol yn rhan greiddiol o'r bartneriaeth. Mae'n sicrhau mai'r myfyrwyr, fel corff cyfun, sy'n penderfynu beth sy'n bwysig, pam y dylid gwneud newidiadau a sut, ac yn sicrhau bod cydweithio yn gallu gwireddu'r newidiadau hyn. Mae gweithio gydag Undeb y Myfyrwyr yn hollbwysig i ddatblygu dull cynhwysol o wneud penderfyniadau yn y brifysgol. Mae Undeb y Myfyrwyr yn cysylltu'n benodol â'r Dirprwy i'r Is-ganghellor fel y cyswllt cyntaf i drafod unrhyw fater yn ymwneud â phrofiad myfyrwyr. Mae Undeb y Myfyrwyr hefyd yn llunio Adroddiad Profiad Myfyrwyr Blynyddol. Mae'r adroddiad hwn yn amlygu themâu allweddol a'r materion mwyaf amserol a pherthnasol sy'n effeithio ar fyfyrwyr Bangor. Mae'r adroddiad (ac unrhyw argymhellion ynddo) yn cyfrannu syniadau at weithio mewn partneriaeth barhau er mwyn gwella profiad myfyrwyr, ac yn cynorthwyo i sicrhau bod perthynas waith agos ac effeithiol yn cael ei chynnal. Mae gan Swyddogion Sabothol Undeb y Myfyrwyr gynrychiolaeth ar gorff llywodraethu'r brifysgol (Y Cyngor), maent yn cymryd rhan mewn cyfarfodydd rheolaidd gyda'r Is-ganghellor, y Dirprwy Is-gangellorion ac uwch staff eraill, ac fe'u gwahoddir i fod yn bresennol yn holl grwpiau strategaeth a grwpiau tasg a phwyllgorau'r Cyngor. Mae'r brifysgol hefyd wedi sefydlu cyfarfodydd ar y cyd rhwng Pwyllgor Gweithredu'r brifysgol a'r swyddogion Sabothol, sy'n digwydd unwaith bob semester. Yn ogystal, mae'r Is-ganghellor, y Dirprwy Is-gangellorion ac aelodau eraill o'r Pwyllgor Gweithredu weithiau'n bresennol yng nghyfarfod Undeb y Myfyrwyr i'r holl fyfyrwyr.

Mae Undeb y Myfyrwyr yn cydnabod bod y dull partneriaeth o ymdrin â llais y myfyrwyr yn arwain y sector ac maent wedi ymrwmo i barhau i weithio mewn partneriaeth â'r brifysgol i sicrhau bod cynrychiolaeth myfyrwyr ar flaen yr agenda. Mae Undeb y Myfyrwyr yn parhau i sicrhau bod cynrychiolwyr cwrs yn cael cefnogaeth dda, yn ogystal â'r adnoddau sydd eu hangen arnynt i gyflawni eu swyddogaeth, ac yn sicrhau eu bod yn weledol iawn o gwmpas y campws. Mae Undeb y Myfyrwyr hefyd yn parhau i sicrhau bod adnoddau ar gael i weithredu ar syniadau myfyrwyr, fel bod cynlluniau gwaith newydd ac arloesol yn cael eu datblygu'n gyson. Yn yr un modd, mae'r brifysgol yn sicrhau bod gan bob ysgol aelod penodol o staff a fydd yn gweithio gyda chynrychiolwyr cwrs yn yr ysgol ac yn eu cefnogi.

Mae Prifysgol Bangor yn dilyn canllawiau arferion da HEFCW mewn perthynas â chyllido undebau myfyrwyr democrataidd ac effeithiol a rhoi cynrychiolaeth i fyfyrwyr. Cynhyrchir siarter myfyrwyr yn flynyddol sy'n amlinellu'r disgwyliadau o ran swyddogaethau a chyfrifoldebau cydfuddiannol y brifysgol, Undeb y Myfyrwyr a'r myfyrwyr. Mae hyn wedi ei ymgorffori yn rhan o'r sgysiau wrth groesawu myfyrwyr ac mae'n cael ei harddangos ym mhob un o'r neuaddau preswyl. Mae Undeb y Myfyrwyr yn defnyddio'r disgwyliadau a amlinellir yn y Siarter Myfyrwyr wrth gyfathrebu â myfyrwyr a'r brifysgol, ac wrth ddatblygu ymgyrchoedd a mentrau newydd. Mae'r Grŵp Strategaeth Profiad Myfyrwyr, sy'n cynnwys myfyrwyr ymhlith yr aelodau, yn adolygu'r Siarter Myfyrwyr yn flynyddol. Yn ogystal, mae cytundeb perthynas y brifysgol ag Undeb y Myfyrwyr yn cael ei adolygu a'i gymeradwyo'n flynyddol gan Bwyllgor Gweithredu a Chyngor y brifysgol.

Trwy'r Gwasanaethau Myfyrwyr, mae'r Brifysgol yn darparu cymorth canolog i'r Cyfarwyddwyr Ennyn Diddordeb Myfyrwyr ym mhob ysgol academiaidd. Mae gan y cyfarwyddwyr hyn gyfrifoldeb dros y canlynol: sicrhau bod y system cynrychiolwyr cwrs yn cael ei hyrwyddo'n dda ac yn digwydd yn unol â disgwyliadau Undeb y Myfyrwyr; bod myfyrwyr yn ymwybodol sut y gweithredir ar eu hadborth; a bod yr ysgol yn cymryd camau pendant i sicrhau bod gan fyfyrwyr ran mewn penderfyniadau ynghylch eu haddysg eu hunain. Enghraifft ymarferol o gydweithio mewn ysgolion academiaidd yw'r digwyddiadau lle cynllunnir y gweithredu sy'n rhan o'r Arolwg Cenedlaethol Myfyrwyr, a gynhelir ar y cyd ag Undeb y Myfyrwyr. Mae'r digwyddiadau hyn yn dod â staff a myfyrwyr mewn ysgol academiaidd ynghyd i drafod a chytuno ar welliannau addysgu yng ngoleuni canlyniadau'r arolwg a data allweddol arall. Wrth ddylunio ei gwasanaethau cymorth, mae Bangor wedi bod yn arwain y sector wrth ddatblygu Strategaeth Iechyd Meddwl dan Arweiniad Myfyrwyr. Gan weithio gyda'n Hundeb Myfyrwyr i sicrhau amrywiaeth o ran cynrychiolaeth yn ystod ein proses ymgynghori â myfyrwyr, mae'r strategaeth hon a arweinir gan fyfyrwyr wedi llunio cynllun a darpariaeth gwasanaethau cymorth canolog a'n ffordd o ymdrin â lles myfyrwyr fel sefydliad cyfan. Mae'r arfer hwn yn parhau gydag ail gam ein Strategaeth Iechyd Meddwl Dan Arweiniad Myfyrwyr yn 2022 sydd eto'n seiliedig ar ymgynghori helaeth â'n myfyrwyr ac sydd wedi'i chydgyhyrchu ag Undeb y Myfyrwyr.

Ar ben hynny, mae'r brifysgol yn parhau i ddatblygu ei harferion wrth ennyn diddordeb myfyrwyr ar lefel ôl-radd, gan fuddsoddi mewn cyfleoedd pellach i fyfyrwyr ôl-radd hyfforddedig ac ymchwil weithio mewn partneriaeth â staff academiaidd i wella eu cwricwlwm a phrofiad myfyrwyr. Enghraifft o hyn yw'r digwyddiadau blynyddol i gynllunio gweithredu a ddatblygwyd mewn partneriaeth â staff a myfyrwyr, ac maent yn sicrhau bod adborth o'r Arolwg Cenedlaethol Myfyrwyr a'r Arolwg Profiad Ôl-raddedigion Ymchwil yn cael ei ystyried ar lefel ysgol. Mae myfyrwyr yn ymwneud yn uniongyrchol â llunio cynlluniau gweithredu'r ysgol ar gyfer y flwyddyn academiaidd sydd i ddod. Yn ogystal, mae grŵp project profiad ôl-radd hyfforddedig wedi ei ddatblygu i sicrhau bod cyfleoedd i'r myfyrwyr hyn gyfrannu at lunio eu profiad.

Mae Undeb y Myfyrwyr yn parhau i gael ei chynrychioli trwy ei chynrychiolwyr etholedig a swyddogion mewn trafodaethau ynglŷn â datblygu'r cynllun ffioedd a mynediad ac yn parhau i gymryd rhan lawn yn y trafodaethau ar sut y dylid gwario incwm ffioedd ac mae wedi cyfrannu syniadau ac awgrymiadau, mewn pwyllgorau ac mewn trafodaethau â swyddogion y brifysgol. Mae'r mesurau yng nghynllun ffioedd a mynediad y brifysgol yn gyson â themâu allweddol a nodwyd trwy'r ymrwymadau hyn ac maent hefyd yn gyson â chanlyniad arolygon ac adroddiadau myfyrwyr. Mae Undeb y Myfyrwyr wedi cadarnhau bod y cynllun ffioedd a mynediad yn adlewyrchu'r trafodaethau y maent wedi eu cael gyda'r brifysgol, a'i fod yn

helpu i roi sylw i'r argymhellion y maent wedi eu gwneud, gan gynnwys, er enghraifft, rhoi dull sefydliadol ar waith i ddatblygu adborth myfyrwyr, sicrhau bod cynrychiolaeth gan fyfyrwyr ar bob pwyllgor ac ym mhob adran (Amcanion 3, 4 a 5), a sicrhau bod arweinwyr myfyrwyr yn meddu ar yr adnoddau angenrheidiol i gyflawni eu swyddogaethau fel cynrychiolwyr, tra bônt yn y brifysgol ac wedi hynny (Amcan7).

Mae corff llywodraethu'r brifysgol, y Cyngor, yn dirprwyo awdurdod i'r Pwyllgor Cyllid a Strategaeth, sy'n adolygu ac yn cymeradwyo pob cynllun ffioedd a mynediad, gan gynnwys gwerthuso cynnydd yn erbyn cynlluniau blaenorol, a chrynodeb o'r broses fonitro a gwerthuso flynyddol a wneir gan Grŵp Monitro'r Cynllun Ffioedd a Mynediad. Mae Llywydd Undeb y Myfyrwyr, yn ogystal â bod yn llywodraethwr ar Gyngor y brifysgol, yn aelod o Grŵp Monitro'r Cynllun Ffioedd a Mynediad a'r Pwyllgor Cyllid a Strategaeth, ac felly mae'n ymwneud yn uniongyrchol â llofnodi'r cynllun. Mae cynrychiolwyr myfyrwyr (a/neu'r llywydd) hefyd yn cymryd rhan trwy strwythurau llywodraethu'r brifysgol, ac mae'r blaenoriaethau a nodwyd trwy'r ymrwymadau hyn yn llywio blaenoriaethau a gwneud penderfyniadau i ddatblygu'r Cynllun Ffioedd a Mynediad.

Adran 3 - Grwpiau heb gynrychiolaeth ddigonol (Paragraffau 107-113 yn y canllaw)

Rhestrwch y grwpiau a dangynrychiolir y bydd y sefydliad yn eu cefnogi drwy fuddsoddi yn ei gynllun ffioedd a mynediad i wella cyfle cyfartal yng Nghymru.

Dylid gwahanu'r grwpiau i'r grwpiau hynny a nodir gan HEFCW fel rhai a dangynrychiolir mewn addysg uwch (rhestrir y rhain yn y ddogfen ganllaw ategol), y rhai a gefnogir drwy gyfraniad sefydliadol y sefydliad i'r Rhaglen Ymestyn yn Ehangach a'r grwpiau gwahanol hynny a nodir gan y sefydliad fel un rhai a dangynrychiolir mewn AU.

Disgwyliwn i'r sefydliad flaenoriaethu dim ond y grwpiau hynny y gall eu cefnogi'n fwyaf effeithiol drwy'r buddsoddiad yn ei gynllun ffioedd a mynediad, a gallai hyn olygu na all y sefydliad gefnogi pob grŵp a dangynrychiolir drwy fuddsoddiad y cynllun.

Wedi eu diffinio gan HEFCW

- Myfyrwyr o bob oed o ddau gwintel isaf Mynegai Amddifadedd Lluosog Cymru 2014
- Myfyrwyr o bob oed o gwintel isaf Mynegai Amddifadedd Lluosog Cymru 2014
- Pobl o bob oed o ardaloedd cyfranogiad isel mewn Addysg Uwch yn y Deyrnas Unedig
- Myfyrwyr o bob oed a fyddai'n elwa o ddilyn astudiaethau addysg uwch rhan-amser
- Myfyrwyr o bob oed sy'n astudio trwy gyfrwng y Gymraeg

Ymestyn yn Ehangach

Trwy gyfraniad y sefydliad at y Rhaglen Ymestyn yn Ehangach ranbarthol:

- Pobl ifanc hyd at 16 oed yn nau gwintel isaf Mynegai Amddifadedd Lluosog Cymru
- Gofalwyr a dysgwyr â phrofiad o ofal ym mhob grŵp oedran yn rhanbarth y Bartneriaeth Ymestyn yn Ehangach, yn annibynnol ar Fynegai Amddifadedd Lluosog Cymru.
- Pobl ifanc ôl-16 mewn addysg hyd at lefel 4, o fewn dau gwintel isaf y mynegai amddifadedd.
- Oedolion heb gymwysterau lefel 4 o fewn dau gwintel isaf y mynegai amddifadedd.
- Pobl ag anabledau
- Pobl o gefndiroedd lleiafrifoedd ethnig, a
- Dysgu cyfrwng Cymraeg, gan gynnwys cefnogi dysgu ail iaith a diwylliannau Cymreig.

Wedi eu dewis o restr wedi ei diffinio gan HEFCW

- Myfyrwyr â nodweddion gwarchoddedig
 - Myfyrwyr anabl a rhai sy'n derbyn Lwfans Myfyrwyr Anabl (DSA);
 - Myfyrwyr gyda chyflwr iechyd meddwl
 - Myfyrwyr benywaidd mewn meysydd pwnc STEM
- Dynion ifanc o ardaloedd Mynegai Amddifadedd Lluosog Cymru ac ardaloedd cyfranogiad isel (POLAR 4)
- Ffoaduriaid a cheiswyr lloches
- Milwyr a chyn-aelodau o'r lluoedd arfog a'u teuluoedd

Wedi eu diffinio gan Brifysgol Bangor

- Myfyrwyr sy'n hancu o gymdogaethau cyfranogiad isel y DU (cwintelau POLAR 1 a 2)
- Myfyrwyr sy'n wynebu caledi ariannol
- Myfyrwyr hŷn
- Gwrywod heb gynrychiolaeth ddigonol
- Myfyrwyr sydd wedi ymddieithrio oddi wrth eu rhieni/gofalwyr
- Myfyrwyr ac ymgeiswyr sydd â phrofiad o fod mewn gofal
- Myfyrwyr ac ymgeiswyr sydd â dyletswyddau gofalu
- Myfyrwyr o gymunedau Sipsiwn, Teithwyr, Roma, Shewmyn a Phobl Cychod (GTRSB)
- Myfyrwyr o gefndiroedd digartref/caethiwed i sylweddau

- Cymwysterau mynediad anarferol

Adran 4 - Amcanion sy'n berthnasol i gefnogi cyfle cyfartal a hyrwyddo AU
(Paragraffau 114-148 yn y canllaw)

Adran 4.1 - Cyfle Cyfartal

1.	Denu rhagor o geisiadau i addysg uwch gan fyfyrwyr ehangu mynediad
2.	Cynyddu cyfranogiad siaradwyr Cymraeg mewn addysg uwch
3.	Darparu cefnogaeth academaidd a lles i sicrhau ein bod yn dal gafael ar grwpiau heb gynrychiolaeth ddigonol a bod eu canlyniadau yn debyg i boblogaeth ehangach y myfyrwyr
4.	Sicrhau amgylchedd ac addysg gynhwysol

Adran 4.2 - Hyrwyddo addysg uwch

5.	Sicrhau bod profiad rhagorol a chyson yn cael ei ddarparu i fyfyrwyr
6.	Sicrhau datblygiad rhagor o bartneriaethau cymunedol a dinesig gan ystyried llesiant cenedlaethau'r dyfodol
7.	Sicrhau bod pob myfyriwr sy'n gadael y brifysgol wedi cael profiad gwaith

Awdurdodi'r cais cynllun mynediad a ffioedd i HEFCW (yn ofynnol er mwyn ei gyhoeddi)

Wrth awdurdodi ceisiadau cynllun mynediad a ffioedd, mae'r corff llywodraethu:

- i. yn cadarnhau ei fod yn parhau i fod yn sefydliad sy'n darparu addysg uwch yng Nghymru ac yn elusen.
- ii. wedi gweld ac ystyried tystiolaeth briodol i gefnogi'r datganiadau a wneir yn y cais hwn.
- iii. yn cadarnhau bod ymgynghoriad priodol wedi ei gynnal â'i fyfyrwyr, y rhai sy'n astudio yn y sefydliad a chyda darparwyr eraill lle darperir addysg ar ran y sefydliad.
- iv. yn cadarnhau bod y wybodaeth a ddarperir yn y cais cynllun mynediad a ffioedd hwn yn gywir a chyfredol, ar adeg ei ysgrifennu, ac yn seiliedig ar ddata gwiriadwy.
- v. yn cadarnhau: **[dylid dileu un neu fwy o ddatganiadau, fel bo'n briodol]**
 - a. ei bod yn dderbyniol i HEFCW ddefnyddio gwybodaeth/data am gyllid neu ansawdd neu unrhyw wybodaeth/ddata arall a ddelir ganddo am sefydliad a reoleiddir yn gyfredol, p'un a ddarparwyd y wybodaeth/data yn wreiddiol at ddibenion rheoleiddio o dan Ddeddf 2015 ai peidio;
 - ~~b. nad yw hi'n dderbyniol i HEFCW ddefnyddio gwybodaeth/data am gyllid neu ansawdd neu unrhyw wybodaeth/ddata arall a ddelir ganddo am sefydliad a reoleiddir yn gyfredol i ddibenion rheoleiddio o dan Ddeddf 2015; ac~~
 - ~~c. ei fod yn cyflwyno gwybodaeth/data newydd, cyfredol, a mwy diweddar yn sail ar gyfer asesiad HEFCW.~~
- vi. yn deall bod HEFCW yn cadw'r hawl i gynnal ymweliad â'r sefydliad er mwyn cael dealltwriaeth well o gymhwysedd yn gysylltiedig â threfnu a rheoli materion ariannol, y data a gyflwynwyd mewn cynlluniau mynediad a ffioedd ac/neu ansawdd yr addysg a ddarperir gan y sefydliad, neu ar ei ran.
- vii. yn deall bod rhaid iddo ddarparu i HEFCW a/neu asiant HEFCW wybodaeth, cymorth a mynediad i'w gyfleusterau a chyfleusterau cyrff eraill sy'n darparu addysg uwch ar ei ran.
- viii. yn deall y caiff HEFCW gynnal adolygiad yn gysylltiedig ag ansawdd addysg a ddarperir gan y sefydliad, neu ar ei ran, neu drefnu i asiant wneud hynny, a bod rhaid i'w gorff llywodraethu roi ystyriaeth i unrhyw gyngor a gaiff gan HEFCW neu gan y corff a benodir gan HEFCW at y diben hwn.
- ix. yn cadarnhau y rhoddwyd ystyriaeth i'r holl addysg a ddarperir gan y sefydliad, neu ar ei ran, waeth beth yw lefel neu leoliad y ddarpariaeth, yn y cais cynllun mynediad a ffioedd hwn.

- x. yn cadarnhau bod risg isel i'r sefydliad fethu ar sail ariannol dros y tymor canolig i'r tymor hir.
- xi. yn cadarnhau bod y cyfrifon yn cael eu harchwilio bob blwyddyn gan archwilydd cofrestredig, ac nad yw'r archwilydd cofrestredig o'r un cwmni, nac/neu yr un un â'r unigolyn a wnaeth baratoi'r cyfrifon.
- xii. yn cadarnhau bod y sefydliad yn cydymffurfio â chanllawiau'r Awdurdod Cystadleuaeth a Marchnadoedd ar gyfer addysg uwch.
- xiii. yn deall bod rhaid anrhydeddu unrhyw ymrwymadau ariannol a wneir i fyfyrwyr yn y cynllun mynediad a ffioedd, fel y cafodd ei gymeradwyo gan HEFCW.
- xiv. yn cadarnhau y bydd yn parhau i fuddsoddi'r un gyfran o incwm ffioedd israddedig llawn-amser i hyrwyddo cyfle cyfartal a hyrwyddo addysg uwch a pheidio â lleihau buddsoddiad i hyrwyddo cyfle cyfartal y bwriedir iddo gefnogi rhai heb gynrychiolaeth ddigonol mewn addysg uwch yn unig.
- xv. yn cadarnhau y bydd yn parhau i fuddsoddi drwy gyfrannu at y Rhaglen Ymestyn yn Ehangach sy'n cyd-fynd â'i Strategaeth a'r Cynllun Gweithredu Ymestyn yn Ehangach y cytunwyd arnynt.
- xvi. yn cadarnhau y bydd yn rhoi'r un faint o gefnogaeth i fyfyrwyr.
- xvii. yn cadarnhau y bydd y sefydliad yn sicrhau bod copi o'r cynllun mynediad a ffioedd ar gael i'w fyfyrwyr mewn unrhyw fformat.
- xviii. yn cadarnhau y bydd y sefydliad yn rhoi cyfarwyddiadau clir i fyfyrwyr ynglŷn â sut i ddilyn prosesau cwyno HEFCW.
- xix. cymryd pob cam rhesymol i gefnogi grwpiau heb gynrychiolaeth ddigonol sy'n astudio ar gyfer cyrsiau ôl-radd.
- xx. yn ystyried sut y gall buddsoddiad gefnogi myfyrwyr yr effeithir arnynt fwyaf gan bandemig Covid-19 lle nad ydynt eisoes wedi'u nodi fel grwpiau heb gynrychiolaeth ddigonol.

Cyflwyno cais cynllun mynediad a ffioedd i HEFCW ¹	
Dyddiad cymeradwyaeth y corff llywodraethu:	13/05/2022
Llofnod awdurdodedig y corff llywodraethu:	Gweler y dyfyniad o gofnodion cyfarfod y Pwyllgor Cyllid a Strategaeth, isod.
Dyddiad:	13/05/2022

¹Ni chaiff cynlluniau mynediad a ffioedd a gyhoeddir ar wefanau'r sefydliad fod yn fersiynau sy'n wahanol i'r rhai a gymeradwywyd gan HEFCW.

DETHOLION O GOFNODION CYFARFOD Y PWYLLGOR CYLLID A STRATEGAETH.

Dyddiad: 13 Mai 2022

Presennol: Syr Paul Lambert (Cadeirydd), Dr Myfanwy Davies, Mr Robert Eddowes, Mrs Marian Wyn Jones, Mr Marc Proudlove Jones, Ms Julie Perkins, Yr Athro Tim Wheeler, Mr James Avison (Llywydd Undeb y Myfyrwyr), Yr Athro Iwan Davies (Is-ganghellor), Mr Rob Eastwood (Cyfarwyddwr Cyllid Dros Dro), Dr Kevin Mundy (Prif Swyddog Gweithredu ac Ysgrifennydd y Brifysgol), Mr Michael Wilson (Pennaeth Cynllunio; Ysgrifennydd y Pwyllgor).

Ymddiheuriadau: Mrs Tracy Hibbert (Cyfarwyddwr Adnoddau Dynol), yr Athro Oliver Turnbull (Dirprwy Is-ganghellor), Mr Lars Weigand (Cyfarwyddwr Gwasanaethau Eiddo a Champws),

2122-46 Cynllun Ffioedd a Mynediad HEFCW

Cyflwynodd y Prif Swyddog Gweithredu bapur yn amlinellu'r gofynion sy'n gysylltiedig â chynllun ffioedd a mynediad HEFCW.

Roedd y papur yn cynnwys y pwyntiau allweddol canlynol:

- Cyn ei gyflwyno i HEFCW, mae angen i'r Cyngor gymeradwyo'r cynllun ffioedd a mynediad, sydd wedi dirprwyo cyfrifoldeb i'r Pwyllgor Cyllid a Strategaeth a'i Gadeirydd.
- Mae HEFCW yn mynnu bod cynllun yn cael ei gyflwyno ar gyfer y ddwy flynedd academaidd 2023/24 a 2024/25, sydd wedi'i gynllunio ar gyfer y cyfnod pontio o HEFCW i'w asiantaeth olynol, CTER.
- Caiff y cynllun ei oruchwylio gan Grŵp Monitro'r Cynllun Ffioedd a Mynediad y Brifysgol, a gadeirir gan y Prif Swyddog Gweithredu, ac sy'n cynnwys cynrychiolaeth o Undeb y Myfyrwyr, a chydweithwyr sy'n gyfrifol am themâu allweddol y cynllun: cymorth i fyfyrwyr, ehangu mynediad, cyfrwng Cymraeg a marchnata/recrwtio.
- Darparwyd trosolwg o'r fframwaith rheoleiddio, y rhesymeg dros gynnwys pob adran o'r cynllun, y targedau, a'r buddsoddiad gofynnol.

Cytunodd y Pwyllgor i gymeradwyo'r cynllun drafft ac awdurdodwyd y cadeirydd i lofnodi'r cyflwyniad cyntaf i HEFCW ac unrhyw ailgyflwyniadau dilynol.